



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

3. Abusus Verbi Dei. I. Primi Ordinis II. Secundi Ordinis.

[urn:nbn:de:hbz:466:1-46065](#)

780 OPVSCVLVM VII. SERMO XV.
esset lapsus. vt enim scribit Cassianus, (a) cùm impell
retur à Diabolo, vt quoniam sanctus habebatur , so
pane & aquâ victitans, exalto se deiiceret; suggerereb
autem, non esse dubandum, virum talem à DEO An
gelorum ministerio excipiendum : itaque præcipitau
se in puteum, vbi miserè perijt.

(a) Cassianus Collatione 2. cap. 4.

ARTICULUS III.

ABVSVS VERBI DEI.

NUNC attendite , & animaduertite , quām multi
Diabolum Architectum stultissimum imitentur in
Abusu Verbi DEI, quod tanquam Vectem usurpant, vt
se aliosque in ruinam impellant , Cauete. nam DEO
maximè displaceat, illiusque indignationem prouocat.

ABVSVS Verbi DEI, qui est Vectis Diaboli, in eo uni
uersè consistit, quod adhibetur , & detorqueatur ad
id, ad quod minimè deberet. Id contingere potest varijs
modis, quibus accedit multos grauiter delinquere: all
quando cum quadam ignorantia, vtinam semper incul
pabili, ideoque instruendi ac monendi sunt; aliquando
ex malitia merâ , instigati à pessimo Architecto Dia
bolo.

§. I. **I**N primo ordine sunt , qui advocant Verba
Sacrae-Scripturæ, quæ sunt DEI, per detorsio
nem, ingeniosam quidem fortasse illam, sed peruersam,
ad nugas, iocos, facetias, ad ludicra , ad aliorum tarpen
do, mores, ad exponenteos quosdam ludibrio , ad exci
tandum

tandum risum circumstantium, ad commonendum petulcum splenem audientium, aut legentium (a) componuntur centones, non Homerici, sed Satauici, cinnantur pasquilli, configuntur libelli famosi, ex meris sententijs Scripturæ-Sacræ, quæ ad alium longè lensem, quam quem habent in Diuinis paginis trahunt, tur, ac scurrilitati petulantis ingenij deseruiunt. Dicitur ex abrupto versiculus è Biblijs desumptus ad eliciendum semicatholici cachinnum. In quo peccant aliquando grauius, quam existimant, viri Docti, sed leuiculi; & adolescentes quidam ingeniosuli, ut sibi videntur, sed ridicularij & nuguenduli. Quod peccatum, tanquam graue, contra religionem, ac Deo Diuinisque rebus debitam reuerentiam, execrantur Patres, Magistri Ecclesiæ, & nouissimè Concilium Oecumenicum Tridentinum, in quo Sapientissimorum totius orbis fuit confessus. Ejus hoc est decretum sessione IV. de Canonis Scripturis & vsu Sacrorum librorum. *Sacrosancta Oecumenica, & Generalis Tridentina Synodus in Spiritu Sancto legimè congregata temeritatem illam reprimere volens, quæ ad profana quæque couertuntur, & torquentur verba & sententia Sacra-Scripturæ: ad scurrilia scilicet, fabulosa, vana, adulaciones, detractiones, superstitiones, impias, & diaboli as incantationes, diuinationes, sortes, Libellos etiam famosos, mandat, & præcipit, ad tollendam huiusmodi irreuerentiam, & contemptum ne de cetero quisquam quomodolibet verba Scripturæ-Sacra ad hac & similia audeat usurpare; ut omnes huius generis homines, temeratores & violatores Verbi Dei, iuris & arbitrij pœnis per Episcopos coercentur.*

Quæ grauissima prohibitio, satis declarat totius Synodi iudicio hunc abusum Verbi Dei esse peccatum mortale, constituens hominem temeratorem, ac violatorem

Verbi

(a) ad fabulosa, detractoria, superstitionis, & ciuis generis alia

Verbi Dei. Hinc in formula examinis conscientiae, inter puncta est istud etiam: *An verba Sacra-Scrip*tur*a ad facias applicauerit?* Item. *An peccata sua Scriptura Sacra excusauerit?* Quare, nolite assuescere Academicci Catholicæ Ecclesiæ, Matri optimæ filij haud degeneres, ad rem tam seuerè prohibitam: nolite linguam ei accommodare, immo nec aures, sed potius alijs ita scurriliter loquentibus editum cum indignatione auertite, aures occludite, erupite, horrorem ostendite, nullatenus ridete. Superioribus affines sunt, qui abutuntur verbis ac ritibus Sacrosanctæ Missæ, ac ridiculè pronunciant, dum nugantur, *Dominus vobiscum: Ite missa est: aliosque sacrificij tremendius versiculos.* Quod si ex contemptu fieret, ut ab hæreticis esset grauissimum mortale, Cauete.

§. II. IN secundo ordine abutentium Verbo Dei, tanquam *Vecte diabolico*, sunt illi, qui vel ad peccatum committendum adhibent, vel ad excusandum peccatum commissum usurpant. Nihil est facilius, quam adducere sententiolam aliquam ex Codice sacro male explicatam, ac detortam ad incitandum iam præcipite, ut crimen patret, aut, ut patratum excusat. In quo magistris fuerunta artificiosissimi sed à Cacodæmone edocti hæretici huius ac superioris ævi, Lutherus, Caluinus, Zwinglius, & illorum associæ. Qui quicquid fuerat, catus in Ecclesiâ Catholicâ firmum, stabile, immobile, aggressi fuerunt loco mouere hoc *Vecte Abusus Verbi Dei*, quod interpretatione prauâ ac adulterinâ detorquentes adhibebant, tum ad peccandum liberè, tum ad excusandas excusationes in peccatis. Incredibile est, non credet posteritas, non credidisse ego, nisi ipsorum-met dictis scriptisque edocitus, quantoperè simplicitati populoru illuterint, & imposuerint, ut in Septentrione, in Germaniâ, Britanniâ, Galliâ, deindeque in Bohemiâ, Vngariâ, Polo-

poloniā mouerunt penē vniuersa, vt inuerterent, per Abusum Verbi Dei, tanquam per Vectem Tartareum interpretationibus confictis, absurdis, ridiculis, puerilibus, ac scurrilibus confectum. Quo in genere tam sunt multa, tam varia, tam in omni criminum genere diuer-
sū, vt nunquam finem inuenirem, si singula recentere aggrederer: quare paucula tantū adferam ad caute-
lam, & hæresis detestationem.

ARTICULUS IV.

NITIO hæresis Lutheranæ perruptis, vt monasterio-
rum, ita pudicitiae claustris, homines Deo per voti-
um castitatem dicati, qui immobiles censeri poterant,
minimo impulsu, transferebātur ad seculum, seu vitam
secularē profugiebant ē Monasterijs. vestem religiosā
abijciebant, abradebant tonsurā, procabātur vix egressi
claustro: mox conuolabant ad nuptias: ducebant vxores
Canonici, Vicarij, Monachi, quorū dux erat Lu-
therus. Mirabantur plebs, populus, nobiles repentinam
illam mutationem, hactenus in Ecclesiā Christi nec
visam, nec auditam: & quidem in ijs, qui se profiteban-
tū esse Euangelicos, ac facere omnia secundum Verbū
Dei, consentaneū ad Euangeliū. Quo ruitis mei po-
pulares? quid agitis? quis dementauit? Non dementia
hæc signa sunt; respondebant, sed sapientiæ Euangelicæ,
quā docemur, homines etiam sanctos, quales nos acci-
pere aliquando vocationem diuinam ad Nuptias. Ad
Nuptias-ne viros voto castitatis adstrictos Deo? Cleri-
cos, Sacerdotes, Monachos? ad nuptias- ne cœlibatum
usque ad mortem professos? Ita, ad nuptias. Nonne
scriptum est. *Vocatus est Iesus & discipuli ad nuptias?* Ioan-
nis secūdo. Nonne scriptū est? *Ite ad exitus viarum. & quo-
tung; inuenietis vocate ad nuptias.* Matt. xxii. Nonne scriptū

Quinta Pars.

Vu

est